


A TWINKL ORIGINAL



INKWENK WAMQ

Nomnyama





A TWINKL ORIGINAL



First published 2021 © Twinkl Ltd of Wards Exchange,
197 Ecclesall Road, Sheffield S11 8HW

Copyright © Twinkl Ltd. 2022

All rights reserved. No part of this book may be reproduced in any form or by any means, electronic or mechanical, including photocopying, recording or by any information and retrieval system, without permission in writing from Twinkl Ltd.

This is a work of fiction. Names, characters, businesses, places, events and incidents are either the products of the author's imagination or used in a fictitious manner. Any resemblance to actual persons, living or dead, or actual events is purely coincidental.

Twinkl is a registered trademark of Twinkl Ltd.

Inkwenkwana Nomnyama



Twinkl Educational Publishing

Inkwenkwana zange ihlupheke kukunetha kwemvula.

Kukusibekela okwamenza anqwenele ukuba ilizwe liphinde libe
mibalabala kwakhona.



Waba ngathi umnqweno wakhe uviwe, kuba kwagqobhoza
umtha obugolide emafini, kwathi lanya into ephandlayo
emhlabeni.



Inkwenkwana yachola isitshixo esibengezelayo, yaze yabona
isilwanyana angasiqhelanga sivumbuza ngakwisiqobo somthi.

"Amachaphaza emvula," satsho isilwanyana. "Inokuba iphi?"

"Ukhangela le nto?" yabuza inkwenkwana.

"Uyibhaqile!" satsho isilwanyana. "Ngoku ndingawuvula umnyama."

"Uza kuvula... umnyama?" yabuza inkwenkwana.



"Hlala ujunge isitshixo, sona siza kusikhokela xa sivula umbala ngamnye," satsho isilwanyana.

"Qho umbala ujika, ucango olutsha luza kuvela."



Yakhupha amehlo inkwenkwana xa isitshixo sijika sisiba bomvu, kwabe sekuvela ucango olubengezelayo.

"Ngena ngaphakathi!" sambiza isilwanyana.



"Uyamkelwa kwaBomvu!" satsho isilwanyana. Yangena inkwenkwana kwilizwe elibomvu inemincili. Imigca yeenkowane ezinkulu yayixhake indledlana yezitena ezibomvu. Bazitsiba ezi zitena, esinye emva kwesinye, izikhwenene ezibomvu zibhabha phezu kwabo.



Inkwenkwana yarhogola impepho incumile.

Emva koku isitshixo sajika saba orenji, lwavela ucango olulandelayo.



Yagigitheka inkwenkwana ibona amathole engwe edlala ngakuyo. Unonkala owayezonwabele wayedlala esikasika amathanga encumile.



Inkwenkwana yayithe ntsho kwilanga elaliorenji litshona, yanqwenela ukuhlala apho naphakade. Kodwa kamsinya isitshixo sajika saba tyheli, kwavela ucango olulandelayo.



Ilanga laliphezulu esibhakabhakeni. Iinyawo zakhe zazithawuza phezu kwesanti eshushu. Yahlala emthunzini wedafodili enkulu, isitya iibhanana, ivatala kune nemengo.



Inkwenkwana ivale amehlo imamele ukuntyiloza kwentaka. Kungekudala sajika isitshixo saba luhlaza, lwavela ucango olulandelayo.



Baphuma behamba phezu kwengca efumileyo. Inkwenkwana yayizele luvuyo, betsibatsiba yimincili. Babekrwecwa iintloko yimilibo yomdiliya, bejiwula bejinga kuyo.




Kwakuvakala ivumba lengca esanda kuchetywa. Akubanga kudala sajika isitshixo saba mzuba, lwavela ucango olulandelayo.



Baphumela kwijeti echankcatha phezu kolwandle olwaluphole kangangokuba baziphosa kulo baqubha. Badada ngaphezulu bezolile iintlanzi neminenga zona zingaphantsi kwabo.



Inkwenkwana yayiqala ukubona isibhakabhaka sicwenge kangaka. Sajika isitshixo saba-indigo, lwavele ucango olulandelayo.



Isibhakabhaka sasiphantse kuba mnyama ngebala, kukho ivumba elimnandi lamaqunube emoyeni.



Inkwenkwana yachankcatha phezu kwamatyana amancinci isiya kumlambo owawumnyama. Yayidlala izoba ngomnwe phakathi kwamatyana lawo:

Inkwenkwana yayingafuni ukuhamba, kodwa umbala olandelayo kwakufuneka uvuliwe. Ekugqibeleni sajika isitshixo saba pepuli, lwavela ucango olulandelayo.



Yayithe manga inkwenkwana ibona ithafa leentyatyambo ezipepuli, izilavenda ezinuka kamnandi kakhulu. Amatye exabiso ayesemazantsi equla elihle, kudada iintlanzi ezibengezelayo kumanzi alo.



Amagqabi eentyatyambo ayendanda kulo mpepho, inkwenkwana ingqengqe ngomqolo ibukele ngomdla. Isitshixo sayeka ukubengezela, lwaze lwavuleka ucango oluya ngasekhaya.



"Zonke iingcango ziye zavulwa," satsho isilwanyana. "Yonke imibala ngoku ikhululekile."



"Kuza kuthini ngoku?" yabuza inkwenkwana iphuma phandle, izibona isesitiyeni sakowayo.

"Ngoku siza kujonga phezulu," sancuma isilwanyana.



Nanko. Owona mnyama mhle yakhe yawubona inkwenkwana.

Nelizwe liphinde lamibalabala kwakhona.









**Ngosuku olumathumbantaka inkwenkwana
ekhethekileyo ifumana isitshixo esikhethekileyo.
Kodwa engakwaziyo kukuba esi sitshixo sisiqalo
sohambo lwayo olumabalabala.**

Ungathanda ukubayinxalenyeye yolu hambo?



visit [twinkl.co.za](https://www.twinkl.co.za)

We help those who teach.

We provide educators around the world with entire schemes of work, lesson planning and assessments, plus online educational games, innovative augmented reality and lots, lots more.

